

RABU • 08.11.2017

ALAM AKADEMI

Santai Seni buka tirai Expokonvo UMP 2017

ALAM AKADEMI NIS: 26
Oleh ZAMZURINA AHMAD
pengarang@utusan.com.my

■ KUANTAN 7 NOV.

SERAMAI 160 mahasiswa Universiti Malaysia Pahang (UMP) mempamerkan bakat masing-masing sempena program Santai Seni anjuran Pusat Sukan dan Kebudayaan UMP dan Majlis Daerah Pekan di Dataran Pekan dekat sini baru-baru ini.

Pengajuran program tersebut merupakan simbolik pembukaan Expokonvo UMP 2017 sempena Majlis Konvokesyen Kali ke-12 yang bakal berlangsung selama tiga hari bermula 18 November ini.

Timbalan Naib Canselor (Hal Ehwal Pelajar dan Alumni), Profesor Datuk Dr. Yuserrie Zainuddin berkata, program sebagai buka tirai itu membolehkan persembahan tari kebudayaan dan nyanyian daripada Kumpulan Kencana Pawana dan Kustari Borneo kendalian Sekretariat Kebudayaan serta Kesenian UMP serta persembahan kompany.

"Melalui pengajuran seperti ini kita dapat mengetengahkan bakat mahasiswa dalam seni tari selain menampilkan kreativiti mereka."

"Dalam masa yang sama, kita dapat memperkenalkan UMP kepada khalayak ramai dan menjadi sebahagian program Tahun Melawat Pahang 2017 sebagai tarikan pelancong ke negeri Tok Gajah ini," katanya kepada Utusan Malaysia di sini hari ini.

Menurut Yuserrie, pihak universiti sentiasa mengalu-alukan penyertaan mahasiswa dalam bidang kokurikulum seperti aktiviti kebudayaan dalam melahirkan graduan



YUSERRIE ZAINUDDIN (tengah) bersama mahasiswa yang menjayakan pengajuran Malam Santai Seni dan Praexpokonvo UMP 2017 di Dataran Pekan, Pahang, baru-baru ini.



Melalui pengajuran seperti ini kita dapat mengetengahkan bakat mahasiswa dalam seni tari selain menampilkan kreativiti mereka."

YUSERRIE ZAINUDDIN

Timbalan Naib Canselor (Hal Ehwal Pelajar dan Alumni)

lebih kompeten dan berdaya saing.

"Terdapat lebih 70 kelab dan persatuan di UMP sebagai platform mahasiswa mengasah bakat ma-

sing-masing agar lebih kreatif serta berinovasi sebagai bekalan apabila berdepan alam pekerjaan kelak.

"Program santai seni ini khususnya adalah ruang untuk kita mempamerkan bakat mahasiswa bahawa mereka bukan sahaja cemerlang dalam akademik tetapi berbakat besar," jelasnya.

Tambahnya, sepanjang Expokonvo UMP 2017 dan Majlis Konvokesyen Kali ke-12 pengunjutan terutama ahli keluarga para graduan boleh mendapatkan maklumat terkini berkaitan universiti serta mengambil bahagian dalam setiap aktiviti kendalian mahasiswa.

Sementara itu, katanya, UMP bakal menjadi tumpuan pemancing sempena pengajuran Pertandingan

Memancing Terbuka Expokonvo dengan kerjasama Kumpulan Utusan pada 11 November ini di Tasik UMP Pekan dekat sini.

"Manakala terdapat lebih 60 gerai jualan dan ExpoBazar UMP untuk dikunjungi. UMP juga mengadakan Pameran Muflara Mahkota Tuanku Canselor yang menempatkan koleksi gambar menarik serta cenderamata untuk dimiliki di Galeri UMP.

"Memeriahkan Expokonvo adalah segmen pendidikan untuk pelajar sekolah termasuklah Program *Spell It Right*, *Choral Speaking*, *Street Science @Gallery* dan pertandingan *Mewarna dan Pakaian Beragam Khusus* untuk kanak-kanak," katanya.